

纈墨洒金鸞草間行回首浮榮空一夢湖光  
蕪碧遠山橫

計籌秋夕懷茅山道舊 林德芳

兩峯明月各天涯限以具區天渺瀰秋聲合  
在聽輪頂借我王倫鐵笛吹

至大三年代祀茅山宿玉宸觀

兵全節

星馳六轡過華陽晉檜蒼蒼古道場夜鶴唳  
風清地肺晚龍閣雨護天香三峯恍惚逢萊  
境萬象昭回草木光青石壇高天咫尺綠章  
封事答吾皇

登大茅峯

第一福地第一峯玉臺積翠摩蒼空大君成  
道二弟從還丹返老顏如童繡衣趣召凌天  
風此事萬古將無同山高有仙水有龍龍腹  
如粟朱砂紅鮫綫變化理莫窮作霖濟早年  
屢豐神仙為市壇朝宗真人煥號芝泥封猿  
鶴相語十載逢葵心耿耿通宸輻萬里六轡  
馳花驄香飄龍篆江雲東瑞凝草木氣鬱蔥  
稽首峯頂歌玄功他時歸奏明光宮

三峯

午夜瑤壇謁帝還筇與銜雨兩山間客來似  
覺茅君喜淨掃浮雲出好山  
石徑松雲入步輕垂垂空翠雨初晴風來山  
閣涼如水小倚闌干聽鹿鳴

崇禧觀

曲林古觀水西流天遣皇華駟五虬高士遠  
分龍虎汲哲人久伴鳳凰游樓臺山色三峯  
晚池館泉聲五月秋雲案凝香浮洞府坐令  
和氣藹丹丘

牧齋真人華陽道院

簷戟三峯擁客槎采真訪古意無涯雲山夜  
雨棠梨樹宇宙春風棹萼花龍洞遠分丹井  
水鶴松高映赤城霞宗師應帝光前緒仙館  
新開第一家

鑑止

山泉漱玉雨浪浪渚蓄深開一畝塘若向動  
中知靜體湛然泰宇發天光

茅山志卷之三十

茅山志卷之三十一

火七

元詩

上清祠宗師劉大彬造

喜客泉

客游華陽天山徑有竹與首登大茅頂天市  
神仙居回觀喜客泉稽首孫仙姑方池鑑止  
水湛湛涵太虛仙君驅驪龍為吐萬斛珠家  
家出石底拍手相歡呼有情感無情此理妙  
鼓枵泉喜客亦喜主人當何如我願斟一勺  
萬物同霑濡歌詩謝山靈臨風重躊躇

全清境界

境界全清地位高山中盡日樂陶陶旋刻白  
石開三徑可是青山厭二豪眼底浮榮看草  
露耳根清韻起松濤明朝疋馬西湖路回首  
靈峯聳巨鼇

別茅山

長松古道翠深深回首層巒積金鶴語雲  
峯人換世鳳咭仙路客來今連朝晴雨隨人  
意到處煙霞感帝心如此山川歌不足行看  
褒家出詞林

延祐元年五月重祀茅山瑞鶴詩序

至大庚戌秋百餘鶴集大峯一宿宗師劉君以其明年入觀嘗圖以獻茲以上命再祀宗壇比至下泊有鶴十二若相迎導遂賦二絕并紀之

一雨三峯分外青巖華潤草共欣榮茅君聞道天香至先遣西山羽駕迎  
圖寫丹青上九天秋風百鶴駐山前誰知六轡重來日又見排空十二仙

重登第一峯

重登大峯頂曉色正蒼涼華構煙霞壯幽居日月長碧雲浮洞戶清露沁衣裳水淺玄龍躍林深黑虎藏去天疑咫尺勝地豈尋常屏俯金峯直鑪分玉案香會仙猶有市濟世得無方藥圃多春意丹房耿夜光何時結茅屋

稽首禮華陽

二峯

壇高青石古峯小白雲多樂奏仙君喜茶香便客過神丹藏蕊笈清露滴松蘿路接金龍背回軒發浩歌

三峯

三峯琳宇狀松老鶴知還江白南徐月樓青北固山浮雲通地肺古洞敞天關寄語尋仙者蓬萊只此間

重過喜容泉

萬珠寒湧碧琉璃山色天光湛一池客本喜泉泉喜容闌干倚欄立多時  
前度題詩重拂塵泉迎熟客喜津津主人不負當年約為把殊庭總一新

震靈方丈贈玉虛宗師

曉起南窗看白雲道心如水鬢絲銀當時宜室前簷席此日仙壇得主人方外煙霞知有喜堂中雷雨信如神夜來親見茅君說五百年間再世身

閒閒真人奉旨代祀三茅竣事既歸以行

卷示予為詩若干首并集庚戌代祀詩援先虛靖書劉靜一詩例求予并書將以傳焉予不見瓢葉久矣讀之釋然於登高能賦間而有歸美報上之心又皆以王事而從方外之樂真如坡翁所稱羨者是皆宜

書也故為行筆亦以想象同游之意云耳若曰擬虛靖則不敢延祐第一重九日詞天師張與材敬題

送悟侍者游茅山

仇遠

雲開三茅古洞天借風一舵荆溪船所思綿綿長在夢此行冉冉如登仙汲泉淨洗黃獨雪斲石深耕瑤草煙蕙帳香凝蒲坐暖共讀南華秋水篇

寄梁中砥

釋覺思

白雲明月本無期君子長吟有所思鴈向石頭城畔過寄書安用牧鴉兒  
憶昔吳門商子家小樓吹雪賦蘭花人間百香金波滿一香清愁百洛又  
抹電浮溫豈足憑餘生只合付騰騰華陽書  
出金籠首好是瀟山某甲僧

傷中砥

文溪書到千峯閣報道良常已上升共我偶然成百歲知君久已伐三彭社中不見丹元子世上空傳白石生猶憶去年長別處一蓬春雪讓王城

初發金陵夜泊龍灣寄華陽道士

僧大訢

平生不必行萬里不必讀盡萬卷書願為茅  
山十日客山僧坐列羣仙圖大峯揚髮出天  
關小峯萬馬爭奔趨俄頃波濤忽破碎木末  
飛上金畢逋青書畫壇室靜玉鞭夜擊聞  
傳呼去年獨宿丹井下天風掃地迎麻姑今  
年許入玉柱洞誰遣旅食隨播鳥懷人弔古  
夜寂寒寒江月落號颺颺祖龍埋金王氣歇  
梁宮晉苑沉煙蕪想見雲林映朝日山中宰  
相良非迂

登三峯

僧智圓

茅氏初成子三分地肺顛丹光時隱見石徑  
逆盤旋黑虎嘯清月斑龍馭紫烟陶公如可  
作欲問普通年

登大峯

僧惟則

白雲剪作瑤臺雪紅旭蒸開玉洞花山北山  
南看更好炊煙朵朵是仙家  
天市危闌倚碧空兩京山水見冥蒙東來十  
日風霜路近在寒嵐一抹中

游陶塘三館之間

一片松林又一宮開門面面看茅峯意行恍  
惚廬山路歸飯僧分上下鐘

雲林清遠四時詞

馮子振

花分石徑蝶衣裳蜂惜暗檐燕雨香解事野  
桃吹綺片誰教賺到鷓仙鄉

脫籜斑筠綠節明霖收梅子麥寒輕諸峯隔  
截高低樹忽報初蟬第二聲

月濕流螢歌懶煙西南峯缺露原田冰簾不  
倚匡山瀑萬丈銀潢瀉玉天

嘉平臘釀渴茶鑄直待龍沙雪水煮舞徹瑤  
臺千歲翻鶴丹回苑范長生

喜客泉

倪天奎

斯泉定何神客至粲然喜水何預人事是亦  
氣機使坐着百琲珠生滅了無已客問從何  
來如雷起處起

三峯三首

王仁輔

三峯伯仲行茲峯獨雄專神霄開廣庭坐受  
淮江奔華蓋垂地肺蔚藍抱天根稽首大司  
命冷風假騰寫

三峯三首

王仁輔

大峯肩摩天中峯曾蕩雲無樹不古色有花  
皆仙芬縱目畧淮南游心遺世紛誓將拂金  
案畢願從茅君

仙仙三神君鼎峙三峯顛小君保民命萬靈  
奉周旋風清石壇月天近香鑪煙安得控丹  
鶴遨遊接飛仙

山中春日

褚環中

向陽松下雪泥乾野蕨催春上客盤一勺紅  
泉人換骨春風莫作舊年看

宗壇秋夕二首

流綺千雲徹夜開月明峯頂見樓臺瑤瑤聲  
裏天燈近知是三真謁帝回

山繞天壇挂月涼斗牛斜掛曲闌傍清吟未  
徹金鐘奏催上朝元午夜香

積金峯訪梁道士

白珉

驚羽穿林看細碎健與繞石聽欹斜道人住  
近茅峯北一簇樓臺五色霞

京師贈劉專師二首

揭傒斯

天書三聘出山來南望三茅日幾迴每說浮  
石先氣短常因佳客暫眉開逢迎半是琴書

與留滯空驚歲月催自笑山間林下客四年  
風雪與塵埃

知君用意世難聞常恐山門汗白雲方朔豈  
能遺漢主曾連會是卻秦軍已無豪傑平生  
夢賴有神仙不死勳早晚蒙恩遂歸計青山  
多處禮茅君

京師送玉虛宗師還山 吳善

道人野服鹿皮冠曾約茅君駕紫鸞天外至  
今風露好人間何處水雲寬陰陰木葉藏經  
榻款款林華綴石壇欲趁歸舟下吳越凌風  
飛佩不堪攀

同前

元明善

句曲山高莫楚氛神仙初祖大茅君遙天歸  
鶴盤秋月幽壑潛蛟陰夜雲丹鼎神光松桂  
室酒壺春色潤溪芹一從待詔西清閣石髮  
梳香得夢聞

題晉揚真人楷書黃素黃庭經

趙孟頫

琴心玉文洞玄玄金鈕朱錦迺汝傳子能得  
之可長年黃素纈泉完且堅橫理如髮約兩

邊從有赤道如朱弦文居其間走玄娥飛雲  
卷舒相終始大道甚夷非力使無為自然有  
至理誰能精專換骨髓明憲之塵不瑕穢目  
中有神迺識真白玉為軼裝車輪裹以天上  
翠織成仙人樓居儼長生鸞鶴翔舞猿狖輕  
子能得之慎勿驚宮室之中夜自明上清真  
人揚與許焚香清肅接神女手作此書留下  
土千年留轉子為主東方蒼龍右白虎廉不  
子求貪勿子

玄洲倡和 并序

句曲外史張嗣真學道茅君山所居玄洲  
精舍左右多真仙古跡曰菌山羅姑洞霞  
架海鶴臺玄洲桐華源紫軒火浣壇隱居  
松等與趙孟頫同賦小詩以記其處至治  
二年壬戌歲四月二十三日道吳興溪上  
復還句曲書使刻石以為山中故事

菌山

靈丘狀三秀紫雲覆其顛易我朝生賢閱彼  
大椿年

右張嗣真

結茅依菌山焚香候芝蓋真靈幸憫我冠珮

時來會

羅姑洞 事見真譜

右趙孟頫

九疑得道女受事易遠家詩贈金條脫人達  
鄂綠華  
蒼梧眇天末聞有綠毛仙却過華陽路人間  
九百年

霞架海

日芒界金色虹梁飲鳳阿直把天孫袂烏鵲  
詎填河  
眾水會一壑天近發霞光晨興新沐竟晞髮  
向朝陽

鶴臺

靜夜颯靈風神君語帳中至今雙白鶴時下  
五雲峯  
上有白鶴翔下有幽人居幽人道當成白鶴  
來不虛

桐華源

華林清散景丹水碧凝脂落葉秋無數宜都  
願寄詩

伊誰植斯桐萋萋滿幽谷鳴鳳久不聞何當

一來宿

玄洲精舍 梁周處士弘讓題  
桓真人壁不別撰

李基遺故鼎趙嘯絕風雲悠悠千載下更復屬夫君

子有鸞鶴想甘同麋鹿游懸榻應待我分我

半玄洲

紫軒

玄憲太霞氣赤書洞古文借問軒中主莫是

紫陽君

林君已仙去紫軒名尚存丹光時或現藥鼎

夜常溫

茅山志卷之三十一

茅山志卷之三十二

火八

上清詞宗師劉大彬述

金籀編

元詩

火浣壇 林真人火解事  
見宋真游篇

真火本無候真人自出現同掃劫灰餘幾見

紅蓮變

真陽以解形四大何足斬指窮於為薪火傳

不知盡

隱居松 二首

露壇棲妙蔭仙籟降靈芬何時三易帳重拂

兩梢雲

真人在山日所至樹以松當知千載下遺子

以清風

玉像龕 二首

瑞儀溫比德寶帔曲流光稽首大司命料理

住金鄉

我有紫虛像白玉雕琢成貢之華陽天萬年

斬降靈

耕雲鋤月二首寄向曲山人

周馳

買田靈山下石多如羊羣造物為我耕種之

皆白雲洶湧初鬱勃散漫還氣收歸方寸

間吐作五色文一笑顧妻子未用愁空困

石田不生禾何以養吾拙中宵披白雲自起

鋤明月明月無根株滿地散霜雪吾鋤不妄

揮要使蕭艾別惜無植杖翁相對同此潔

夢游句曲 二首

脩竹垣牆映白沙紫清宮殿闕煙霞一條歸

路朱弦直三百來年不到家

三華樹下拜青童語我丹砂九轉功維氏不

逢王子昔雷平來訪郭仙翁

次韻華陽道士 四首

飛神朝鈞天颺輪歷紫垣再拜三元君帝一

唵秘言真空寂無聲至道了不煩縣知往古

人妙挈元氣根

金壇峙華陽家廓通帝居晨啓太霄章寸田

茅塞鋤紛擾蟬蛩聚人間死如柳天老受道

早九光迴鸞車

先天有神物火被嗜欲籠浩劫竟無蹤清光